




## KoroKoro 12 – 16 Junie 2009

KoroKoro is 'n nuwe kamp vir die Rietvalleiers, maar die koue kon nie 15 gesinne en 3 besoeker-gesinne van ander streke keer om die naweek te geniet nie. Vrydagaand se gratis sop en broodjies was heerlik; baie dankie aan elkeen wat bygedra het!



Links: Die reuse Maroelaboom by die ontvangs was 'n belewenis om te sien!



Bo: 'n Paar van die Rietvalleiers gesels met die eienaar van KoroKoro.



'n Gedeelte van die naweek is ook aan SAWA se 40e verjaarsdagvierings gewy. Saterdagmiddag kon elkeen 'n kolwyntjie (cup-cake) versier vir die verjaarsdagtee Sondag na die diens. Dit was meestal die dames wat deelgeneem het, maar hier en daar het 'n paar mans ook hul kreatiewe denke aan die dag gelê – die Blou Bulle was veral 'n groot inspirasie. Die kinders het ook nie op hulle laat wag nie, maar ons dink die moeilikste was om die kolwyntjie nie voor Sondag te eet nie!



Die pragtig versierde kolwyntjies word uitgestal vir die beoordeelaars om die wenners uit te wys.




Baie geluk aan Anne-Marie Engelbrecht, Keith Pietersen en Denise Botha wat die pryse vir onderskeidelik die dame, man en kind onder 16jaar gewen het.



Die vure het hoog gebrand, die speletjies is uitgehaal en daar is lekker gelag en gekuier. Dinsdagoggend het ons die skottelskare nader getrek en die langnaweek met 'n heerlike saamkuier ontbyt afgesluit.



Bo: Tydens die afsluiting het Hennie en Anne-Marie Engelbrecht hul 100<sup>ste</sup> streek plaatjie ontvang – baie geluk met hierdie mylpaal!




Rietvallei het ook 2 nuwe gesinne verwelkom:

- Jos en Christine Groenewald (links)
- Sias en Annalize Heyns met hul 2 kinders Sias en Anel (regs)



Aansporingsplaatjies was ook aan die volgende lede uitgedeel:

- Daan en Elize van der Berg – 10 Streke (links heel bo)
- Jaco en Trix van den Berg – 50 Streke (bo links)
- Chris en Lizette Schulte – 40 Streke (bo regs)



Die kampkommandante vir die naweek was Wim en Margriet van den Berg (links) en Jacques en Diana Fourie (regs).

